



國朝書畫錄

子多3
3530
4-4



門子3
3590
4-4

國朝書畫家筆錄卷四

華翼綸 楊翰 沈振銘 張之萬 金雯

劉陳 徐鴻儀 范璣 范循訓 陳鳳

安俊 安燦 奈文植 吳雲陞 解如森

吳熙載 費丹旭 莊受祺 汪昉 陳式金

黃增祿 汪廷儒 伊念曾 李振翰 蔡載福

董亮貽 楊大埔 支南薰 過懋 華鏡宇

曾國藩 程恭壽 江清驥 王育芬 周錫璜

須沛 卓樸 温文銓 陳金鏞 張先甲

許敬持 沈鼎 蔣泰 許漢章 潘宗海

國朝書畫家筆錄 卷四 目錄

胡駿聲	李世則	孫廷冕	孫桐	奚疑
錢勛	章醇	王禮	陳允升	汪毓騏
周棠	俞果	糜桂叢	徐上	祝陞芸
祝麒	趙起	儲承恩	潘大琨	潘元仁
汪在涸	韓奕	汪鴻	華慶成	沈日彬
周家鋤	王榮棻	徐來	吳岫	湯中孚
任惇典	周培蘭	陳丙綬	秦國植	許宗慎
張步高	惲彙昌	張憫	沈焯	徐慎獨
劉廷玉	劉廷珍	莊縉度	陳亮疇	李廷銓
徐應鐘	張宗沂	孫毓崙	許天榮	方步瀟

顧國樹	曹欽	傅之奇	葉鳳彩	王玉樹
郎際昌	陳倬	潘敬安	陳九儀	王承楓
俞樾	翟云升	莊家增	楊沂孫	楊泗孫
陶洪	金德輝	劉德六	王素	錢聚朝
畢道遠	吳雲	孟繼堉	尹淮	于克勤
李光迪	方步瀛	史重熙	余成椿	徐寶符
徐允肅	徐琦	竇維鏞	吳之瑾	鄒鼎承
鄒鼎杓	翁同龢	侯焯	章綬銜	湯祿名
包棟	彭玉麟	孟毓梓	張兆祥	辛樾
張襄	徐慶升	錢長豐	徐潤蒼	王爲翰

國朝書畫家傳錄 卷四 目錄 二

秦祖永	秦鳳璪	徐鳴時	吳同午	胡震
侯度	陳璞	俞敦培	王元昭	孟起鳳
沈祐丹	翟夢青	祝昭	施建烈	後禮
王緒	王紳	任熊	任薰	湯世樹
張熊	朱熊	朱偁	丁本宗	俞鳳階
張宸輝	孫顯	趙士鰲	趙惇	李允清
薛廷瓚	姜有慶	徐軫	殷載丹	顧大禮
王家駒	徐景沅	周之冕	吳融	顧廷楹
顧釗	顧珩	沈燮	韓潮	邵謙
蔣曰豫	周寶彝	施熊	周斌甫	楊懷瑄

徐廷模	楊綸	須夔梅	董良	夏挺芝
蘇哲保	傅繩祖	陶泉	黃湘	張之洞
後祺	徐琬	湯鉉	裘蔭梧	安鴻勳
蔡廷槐	楊湛思	路于飛	譚洪範	管垣
梅振瀛	魯長泰	吳以誠	賈明法	徐寶稼
徐郟	邁鑄	程奐輪	吳遷	彭濬
梁璠	彭宗旭	李鴻裔	浦洽大	浦遠
王維珍	王涑	虞應樾	劉士慶	吳源水
余彤	金元	陸士樸	杜錫三	楊洽安
陳燾	陳福基	趙全	黃自元	成沂

王松	傅澧	郭瑞嘉	曹洪葉	江沛蒼
馬家桐	穆倩	趙之謙	趙起鵬	張槃
錢鴻聲	王元吉	王禮	金成毅	郭璟燕
侯捧森	鄒觀辰	施鑑淵	楊峴	李慶良
楊昌祜	王鼎平	張樾蔭	趙鍾靈	陸潤庠
翟伯恆	王昭	陳恩培	卞寅清	劉廷彬
楊宗瀚	楊宗瀛	顧焱	江名世	金竹書
魏燦	俞琦	傅瀚	廖綸	王庭楨
楊熙楸	吳烜	朱文清	華文滙	華文漪
陳璠	王仁堪	顧森書	席元禧	陳汾

陳梧	陳羲唐	任棣華	徐星煌	李文煒
秦寶璣	吳念椿	劉宗亭	王震甲	嚴光裕
劉繼增	羅清	姚孟起	楊鐸	黃裔
陸士霖	邵瑞澄	張紹緒	陳毓瑛	梅元捷
嚴振	黃思永	馮煦	孫其業	姚坤壽
郭宗儀	陳瑚	潘錦	潘繼烈	司馬湘
樂徵緯	梅承瀛	沙馥	任頤	任豫
侯家鳳	胡義贊	啟再鄰	鄭珊	項繼臯
馮文蔚	孫思敬	吳永安	侯櫟	秦穀豐
如山	吳鳳儀	屈承懋	許有麟	張寶誠

王錫麟	杜學頤	毛承基	徐三庚	卜兆璜
許鳳階	江標	汪洵	高承炳	李汝霖
趙錫華	陳壽昌	蔣維瀚	陶恭壽	陶光鏞
朱英	王臣弼	虞汝霖	汪彥份	王臣鵬
諸可權	夏之霖	易三	趙印	孫毓驥
伊立勳	馮光適	袁丹鼎	蕭榮爵	楊壽昌
史致謨	史悠撫	莊怡孫	陳桂	馬士慶
朱丙焱	王元鑄	唐濟鎮	費念慈	陳名侃
薛成章	陳樹菱	王宗藩	徐浩	王墀

名媛附錄

文倣	周淑禧	龔靜照	王昉	孫旭嫻
馬荃	徐昭華	黃媛介	唐素	蔡如玉
惲冰	王端淑	李因	岳瘦峯	堵霞
楊端雲	陳書	竇淑貞	徐粲	蔣俶
毛秀慧	汪漣	徐蘭英	嚴氏	吳正肅
陳結璘	金淑	曹秀貞	鍾若玉	王玉燕
莊寶珠	唐氏	習忍	龔琴徽	惲懷娥
惲懷英	馬師班	鄒雪虹	方若徽	潘淑
顧韶	吳規臣	華玉珩	方婉儀	吳申
錢斐仲	鍾惠珠	董晚貞	湯嘉名	惲珠

張玉 王素雯 楊蘊輝 凌黛 楊竹蕙

龔宜璋

道濟 髡殘 宏仁 正屈 上睿

通真 圓通 普荷 達真 常瑩

靈壁 宏瑜 半山僧 圓顯 明瑜

德新 達乘 申和尚 石莊 真覺

明遠 韻可 遠受 友月 量雲

大須 水菴僧 劉本銘 伊大麓 榮漣

朱道士 錢燦 陳性圭 韻香

國朝書畫家筆錄卷四

無錫九峯淡士寶鎮輯

華翼綸 工畫

華翼綸字遂秋金匱人道光二十四年順天舉人官江西永新知縣光緒間主東林書院講席性豪放工文山水師法大癡筆意浩浩落落高視濶步一種鬆靈挺拔之致畢集楮墨間絕無輒甜習氣非時下畫家所能望其項背也

楊翰 工書畫

楊翰字海琴號息柯居士直隸人僑寓浯溪道光二十五年翰林官湖南辰沅永靖道喜考據金石工文詞歌詩書法離奇超逸兼

善畫筆意恬雅皴染鬆秀頗有韻致

沈振銘 工書畫

沈振銘字藕船號老藕又號禦兒鄉農浙江石門人工詩書摹董文敏頗得神趣尤擅長花卉翎毛山水極見功力高出時流其花鳥迥鍊妍雅兼包山白陽法其山水蒼渾淹潤得李竹嬾筆意亦精篆刻黃楊木圖章爲諸名流推重

張之萬金雯劉陳徐鴻儀 工畫

張之萬字子青直隸南皮人道光丁未狀元官至東閣大學士工畫山水極有名其同郡有金雯劉陳徐鴻儀俱善畫雯字雨文工山水善承家學葱蔚可觀陳字小亭詩筆清奇畫山水守南宗嫡

派兼工鐵筆鴻儀字小雲畫花卉禽獸落墨豪放潑潑生機

范璣范循訓 工畫

范璣字引泉常熟人賣畫奉母精鑒別凡書畫古玩入手卽能辨真僞賓客往來酬酢勿衰暇卽點筆摹倣各得其趣自成一家其筆情瀟灑姿致鬆秀頗有古人冷逸之致又工墨梅詩宗其家石湖亦冷峭子循訓字秉之工寫照年十三便已名噪一時

陳鳳安俊安燦 工書

陳鳳無錫北鄉西膠山人因號西山勤學書一生浸潤於右軍聖教序魯公爭坐位諸帖年登大耋猶揮毫不輟祠廟匾榜出其手者居多時有東鄉安鎮人安俊安燦俱有書名俊字獻石工篆書

蔡字東雲亦工篆書

奈文植吳雲陞 工畫

奈文植字侶梅吳縣人作畫有嗜奇癖吳下渲染家咸非之然所畫山水人物花卉出筆卽古能以拙取勝冬心兩峰之後未易多覲也時吾邑吳雲陞字海颿幕遊四川工花卉

解如森吳熙載 工書畫

解如森字春卿興化庠生善書兼工畫花卉頗饒風致間作山水亦精時儀徵有吳熙載原名廷颺字讓之號晚學居士包世臣弟子工篆隸花卉兼精鐫刻

費丹旭 工書畫

費丹旭字子茗號曉樓浙江烏程人天資穎異幼卽工畫美人稍長更精香豔中饒雅逸之趣寫照如鏡取影能曲肖其神情書法南田極有韻致兼善山水花鳥瀟灑脫俗頗極自然亦能詩詞

莊受祺 工書

莊受祺字衛生常州人道光二十年進士授編修官至布政使長身秀目工文善書以詞林起家而論兵於緩急虛實洞中窺要尤善識別將才如湖南李續宜王鑫蔣益澧唐訓方及江陰金國琛方其功績未顯時受祺亟稱之後皆如其言

汪昉 工書畫

汪昉字叔明陽湖人道光間舉人官山東同知不數年以老乞歸

宦橐蕭然性孝友善詠諧工詩書法趙文敏姿態秀逸娥媚之趣溢於紙素尤善畫直窺宋元諸大家邱壑渾成樹石鬆秀一種蒼勁古雅之趣頗得四王規制

陳式金 工畫

陳式金字以和江陰人以同知分發浙江不赴持躬端謹秉性恬澹邑有義舉解囊無吝色尤好行隱德蓄法書名畫精於鑒別善山水得元人超逸之致寸縑尺楮人皆藏弁寶惜之嘗搆別業於宅畔穿池疊石林木翳然名曰適園

黃增祿汪廷儒 工書畫

黃增祿字穀卿號子芾吳江人道光庚子舉人工小楷畫筆幽秀

時有汪廷儒字醇卿儀徵人道光甲辰進士授編修書畫皆宗思翁曾見其墨山水小冊嫩逸可愛而長幃巨幅恐非所宜也

伊念曾 工書

伊念曾字少沂福建甯化人秉綬子由拔貢生官浙江知縣所至獎勵士林篤於民事暇輒流連山水好吟詠精篆隸以海運勞署巖州同知咸豐辛酉城陷罵賊被戕

李振翰蔡載福 工畫

李振翰蔡載福並以丹青得名振翰字仲鶴徐州沛縣人諸生工畫好以墨寫蘭竹菊梅古秀異俗載福字鹿賓號寅伯浙江石門人工花卉筆意娟妙頗饒冷逸姿致

董亮貽 工書

董亮貽字仲明武進人累試不售入貲為浙江通判負才氣工隸書故與權仁和縣篆吳保豐友善因館於其署每與論事達旦不寐粵逆陷杭城厲聲罵賊遂遇害

楊大墉支南薰 工書

楊大墉字伯厚號卓齋常州國子生工詩善書於經世考古之學靡不研究遇事有肝膽客皖三十餘年當路倒屣延致咸豐七年皖省郡縣相繼陷賊大墉避地霍山山中賊至張目大罵為賊攢刺而死有崑山人支南薰者諸生工書能擘窠大字

過懋華鏡宇 工畫

過懋字華坡無錫北鄉八士橋人專精傳神人物為顧雲鶴弟子白鬚偉貌望而知為高人韻士時有華鏡宇字題蓉金匱附貢生候選訓導性豪爽工畫山水

曾國藩 工書

曾國藩字滌生號伯涵湖南湘鄉人道光戊戌翰林官大學士封毅勇侯學問醇正多著述平粵匪推中興首功謚文正書法山谷

程恭壽江清驥 工書

程恭壽字容伯浙江錢塘人道光己亥舉人官光祿寺少卿書法顏柳歐董著坐春風館筆記時有江清驥字小雲號頤園與恭壽同邑道光庚子舉人官江蘇常鎮道工篆隸行草

王育芬周錫璜須沛 工畫

王育芬字紹韓一字景韓號仲蘭金匱人咸豐乙卯順天榜舉人官戶部主事淹貫羣籍文譽颯馳並善畫山水尤工得黃子久倪雲林筆意同里周錫璜原名永錫字介眉廩生從鄒駿學花卉咸豐庚申殉難須沛字厚齋邑東北懷仁鄉人善畫晚年尤工畫蟹

卓樑温文銓 工書

卓樑字雲木號鶴溪四川華陽人道光庚子翰林官吏部侍郎書法河南兼襄陽晚逼劉文清温文銓字金叔浙江歸安諸生工書性剛直每面斥人過咸豐十年粵匪犯南潯罵賊被戕

陳金鏞張先甲許敬持 工書

陳金鏞字畫溪荆溪人工書少受法於吳德旋行草尤有名同邑張先甲許敬持俱以書名先甲字與乙書宗李北海敬持字畫橋摹雲麾碑酷肖吮墨揮毫無間寒暑琳宮梵宇間多其遺墨

沈鼎 工畫

沈鼎字香郊昭文人諸生工詩善畫初撫米家山水自謂悟潑墨法後見白陽水墨花卉遂工逸筆寫生已而專事蘭竹於近人中心折錢鐸石

蔣泰許漢章潘宗海 工書

蔣泰字秋坪宜興諸生績學能文書工歐陽率更體嘗背臨九成宮銘十餘本與原揚無絲毫爽同邑許漢章字倬雲工書得趙文

國朝書畫家筆錄 卷四 咸豐朝 六
敏法潘宗海字石癡少習金穀遨遊公卿間以篆隸名兼精鐵筆

胡駿聲李世則 工畫

胡駿聲字芑香常熟人弱冠從畢琛遊工傳神其藝爲吳中冠時同邑有李世則字思若善醫能詩山水宗元人間仿荆關法律謹嚴下筆皆有來歷

孫廷冕孫桐 工書畫

孫廷冕字冠賢安徽黟縣附生工書畫仿漢迄元時印章畢肖著有詩集時有孫桐字華階徐州蕭縣人幼習騎射爲武學生善書尤精於畫

奚疑 工畫

奚疑字虛白浙江歸安人監生幼好吟詠歲元照見而異之引與爲友由是詣益進晚年復爲墨戲效馮可賓風竹或蒲萄俱無俗韻年八十餘卒著有榆蔭樓詩稿

錢勛 工書

錢勛字揆初無錫人咸豐五年順天舉人少負才名著爲詩歌駢文沈博絕麗兼工書同治初巡撫李鴻章統師上海勛以內閣中書參其幕累薦以知府用後從勦捻匪得疾卒於濟南贈太僕寺卿著有吳中平寇記

章醇 工書

章醇字淡若安徽甯國縣人諸生工詩文以書法得名嘗寓金陵

報恩寺浮圖絕頂三年目之所見一洩之於書故下筆有奇氣而於草法尤精

王禮陳允升汪毓騏 工畫

王禮字秋言號秋道士吳江人花鳥兼白陽南田綽有餘姿人物宗老蓮時有陳允升字仲升一字紉齋號壺舟又號金峩山樵浙江鄞縣人工山水刻紉齋畫贖又有汪毓騏徐州碭山諸生善畫

周棠 工畫

周棠字召伯一字少白號蘭西浙江山陰人官光祿寺署正山水花木師白陽青藤頗得高逸之趣晚年畫石日得數幅筆無含蓄朝鮮人朝京師者每乞其畫歸

俞果糜桂叢徐上 工畫

俞果無錫人諸生工畫咸豐庚申殉粵寇難同邑布衣糜桂叢字秋圃善畫花卉時有徐上字駕鼇興化人善畫雨竹雨蘭

祝陞芸祝麒 工畫

祝陞芸字藝芳江陰人優貢生操行純正得力儒先語錄爲學者楷模訓迪後進成立甚眾兼工小篆其同族有祝麒字爾英端方誠懇言動不苟以善書名於時

趙起 工畫

趙起字于岡武進人道光間舉人善畫工詞里居養母不求仕進所居曰約園亭榭頗勝暇以文翰自娛咸豐間粵匪陷江甯常州

設局保衛同人強起與其事十年四月六日城陷全家殉難

儲承恩潘大琨潘元仁 工書畫

宜興儲承恩潘大琨潘元仁俱從同邑吳岫學畫者承恩字天來習六法而於傳神尤名重一時大琨字梧莊以寫生遊京師後官河南縣丞元仁字省來畫工人物為人有節概

汪在泖韓奕 工書畫

汪在泖徐州碭山貢生工書善畫尤長墨竹筆意瀟灑得元人風致同郡銅山有武生韓奕字亦大能文善詩工書畫家貧傭書畫得值養母後稍裕買園於城南奉母以居人稱其孝

汪鴻 工書畫

汪鴻字延年號小迂安徽休甯人陳鴻壽幕客工花鳥兼新羅南田法秀出時流又善鐫刻錢杜改琦郭麐皆雅譽之古肆見有設色花卉冊六幘淡逸閒冷有薄而不薄之妙

華慶成 工書

華慶成字雲虬號嘯雲無錫人咸豐乙卯四川籍舉人由大挑一等補浙江嚴州府建德縣知縣工行草書筆意樸古渾厚有天然雄放之趣

沈曰彬周家鋤 工書畫

沈曰彬吳江人諸生長身古貌善書師同郡聞詩有歐褚意作大字楷法教子弟一時從之學者甚眾時有周家鋤字鼎生荆溪監

生性忼慨書學柳誠懸文亦磊落如其書庚申之亂罵賊被害

王榮棻徐來吳岫 工畫

王榮棻字問樵號小蘭崑山人諸生性澹泊畫墨蘭最工又善繪蝴蝶頗工緻時荆溪有徐來吳岫俱以畫名來字北園工畫翎毛兼善音律岫字雲臯畫工逸有意度

湯中孚任惇典周培蘭 工書

湯中孚字理雲宜興諸生工篆隸凡秦漢碑碣無不研求同邑任惇典字介藩亦諸生少有文名事親孝每遇善事必盡力為之工書法有周培蘭者徐州豐縣武舉人能文工書有儒士風捻送攻城登陴捍禦城破遇害

陳丙綬 工書畫

陳丙綬改名長孺字秋穀浙江歸安拔貢生工詩兼善詞曲客京師十年不遇而歸家甚貧以書畫自娛著有偕隱堂集畫溪漁唱同治元年死於難

秦國楨許宗慎張步高 工書

秦國楨字春圃無錫人咸豐壬子副貢工書庚申殉粵寇難同邑許宗慎字孟遠諸生以善書名從學者甚眾張步高字卓山諸生亦以書名

惲象昌張儼 工書畫

惲象昌字子駢常州人諸生工篆書善畫山水性高曠不偕於俗

罕與外事庚申城陷自經同里有張憫字琢君號蘭谷志行高潔
好鼓琴善繪事通古篆籀作書畫得錢則製棉衣給里黨

沈焯 工畫

沈焯字竹賓原名頤吳江之盛澤鎮人花卉寫生清超雋逸頗擅
勝場山水天分甚高又能刻苦勤學筆意勁峭邱壑邃密極見功
力惟應酬太廣未免有作家習氣

徐慎獨劉廷玉劉廷珍 工書

徐慎獨字迂伯宜與人倣儻不羣工詩文尤留心經世務嘗考時
政得失作治安十策喜臨池善篆隸咸豐十年殉節同里劉廷玉
字蘊白廩生幼孤事母孝博學強記能文工書弟廷珍字復唐諸

生書法挺秀似其兄

莊縉度陳亮疇 工書

莊縉度字眉叔常州人由進士授戶部主事工詩詞楷書時同里
有陳亮疇字德生號魯農咸豐三年進士散館授編修勤學博覽
諸子百家楷法整秀行書亦工運筆極敏捷

李廷銓徐應鐘 工書

李廷銓字嘯筠崑山諸生臨池無間寒暑筆法宗歐柳二家爲同
里朱啟房入室弟子同邑有徐應鐘字桐村幼有穎慧工隸篆亦
精行楷臨右軍碑帖居多

張宗沂 工書

張宗沂字與亭無錫人余業師也咸豐己未舉人官直隸大名府東明縣知縣自幼勤學書無間寒暑臨帖功深筆意圓厚

孫毓崙許天榮方步濤顧國樹 工畫

孫毓崙徐州豐縣人客京師從吳閻張舒學畫盡其術作花卉草蟲禽魚天然生動同郡礪山許天榮號錫九人品高潔以善畫知名時有方步濤字古菴新陽人諸生善畫山水其同里顧國樹字計堂亦諸生工山水筆致蒼老秀逸設色處氣韻更生動

曹欽傅之奇葉鳳彩王玉樹 工書

曹欽字時懋宜興監生從吳上翰學書遂以書名同里傅之奇字凝人善行楷書兼工醫時徐州沛縣歲貢生葉鳳彩工書法其同

邑王玉樹亦歲貢生能詩善書

郎際昌陳倬潘敬安 工畫

郎際昌字芝田崑山人諸生善畫山水宗董北苑巨然僧一派時有陳倬字松溪者宜興人工畫善花鳥人稱得邑先輩徐教展遺意又有潘敬安字雪堂荆溪人工花鳥兼善墨蘭

陳九儀王承楓 工書畫

陳九儀徐州沛縣歲貢生能詩工書畫為江北有名人同時之以書畫名者有直隸磁州人王承楓字陞臣號丹麓官河南內黃知縣工隸書尤擅長山水

俞樾 工書

俞樾字蔭甫號山園浙江德清人道光庚戌進士授編修幼聰穎讀書過目成誦咸豐七年自河南學政免官歸遂閉戶發篋取童時所讀諸經復誦習之始有著述之志家貧不能具書假於人而讀焉有所得心手錄治經之外旁及諸子均有訂正由是著書益富文宗思之猶有寫作俱佳人頗聰明之語晚年爲日本人選詩四十四卷求書者甚多率以行草應之篆隸不輕作也

翟云升莊家增 工書

翟云升字文泉山東掖縣人桂馥弟子道光壬午進士官國子監助教工隸書以魄力致勝著五經歲編齋集時有莊家增字葭渡崑山諸生工細楷肆力於趙董嘉興張孝廉廷濟書名擅一時見

家增書輒稱之因訂莫逆交

楊沂孫楊泗孫 工書

楊沂孫字詠春號子與常熟人道光癸卯舉人官安徽鳳陽府知府工書尤精篆隸弟泗孫字中魯號濱石咸豐壬子榜眼授編修同治時主講吾邑東林書院善詩文工楷書

陶淇 工畫

陶淇字錐庵浙江秀水人詩清雅喜寫山水筆意風秀樹石幽雅出入元明諸大家妙有空靈澹遠之致兼善花卉姿致妍潔用筆柔和超逸得南田新羅神趣好游遇名山勝境輒流連不置

金德輝劉德六王素錢聚朝 工畫

金德輝劉德六王素錢聚朝俱精六法德輝字子石興化人恩貢
生畫山水能做大家而自出新意遠近爭購之詩詞亦工德六字
子和吳江人工花鳥素字小梅江都人工人物花木聚朝字曉庭
浙江秀水人載曾孫道光乙未舉人畫有宗風筆意宏暢

畢道遠吳雲 工書

畢道遠吳雲並有書名道遠字東河山東淄川人道光辛丑翰林
官工部尙書書法襄陽雲字少甫號平齋晚號退樓浙江歸安人
官江蘇道員好古精鑑書法平原用筆深沉著兩疊軒彝器圖釋

孟繼堦尹澁于克勤李光迪 工書畫

孟中翰繼堦尹孝廉澁于學博克勤俱直隸天津人繼堦字志青

澁于澄甫克勤字澤九皆能書尤擅蘭竹名隨意揮灑高致絕倫
時宜與有李光迪字簡廷諸生昆季不忍析居門庭怡怡終身無
間工繕事兼精篆隸

方步瀛史重熙余成椿 工書畫

方步瀛字潤十新陽諸生善鼓琴隸書逼近漢魏兼工蘭竹著有
得月樓吟稿時宜與諸生史重熙字南屏書名與劉廷玉相埒兼
善畫同里余成椿字麓泉性孝友工書善畫爲吳衡章高弟

徐寶符徐允肅 工書畫

徐寶符字契芝崑山人道光二十年舉人官廣東知縣攝惠來普
甯所至著政聲咸豐庚申攝陽江數敗粵賊同治季年調潮陽積

勞卒年七十工書畫子允肅字孟恭附貢生入貲爲同知性樸誠亦工書畫

徐琦寶維鏞 工書

徐琦字紹韓金匱諸生書名噪一時臨帖無間寒暑筆意靈秀圓勁有飄飄欲仙之態以書法教授鄉里曾館余家因得從學余長兄維鏞字伯英爲紹韓師高弟幼聰慧十六七歲時應縣試卽前列讀書之暇兼勤習字臨蘇逸士田公德政碑頗得其神趣摹仿他帖亦能肖似年二十痛先祖俊三公殉節憂憤成疾半年遂卒

吳之瑾鄒鼎承鄒鼎杓 工畫

吳之瑾字乙衫甲居未詳工花鳥草蟲咸豐時挾技遊錫頗有名

曾在江百川家見其花卉冊十二幀筆意蒼老鬆秀時有鄒鼎承字子和無錫人駿子畫承家學弟鼎杓字雪荷亦工繪事

翁同龢 工書畫

翁同龢字叔平一字聲甫晚號瓶生又號餅廬常熟人體仁閣大學士心存季子也咸豐丙辰進士賜一甲一名及第居家孝友立朝方嚴疊掌文衡官至戶部尙書軍機大臣協辦大學士謚文恭善書法幼年專習歐褚中年用力於平原雖蠅頭小楷皆能懸臂書之五十後更出入蘇米又沉浸北朝碑像漢隸禮器乙瑛張遷諸碑晚年益趨平淡幾與劉文清抗衡間作小畫以筆力奇肆出之不爲畫家規則所拘束隨意數筆古趣盎然更自爲題詠彌覺

傳逸然僅爲家人子弟偶一揮染未嘗爲外人作也學通漢宋古文得桐城之傳詩則頗喜江西派而兼致力於少陵東坡有集如千篇藏於家道光庚寅四月生光緒甲辰五月卒年七十五

侯焯 工書

侯焯字景文號石琴無錫人同治六年舉人候選教諭幼聰穎十一歲卽學爲文家貧無以供讀父命習賈不數日棄歸讀益力篝燈自課往往達旦年十七補博士弟子員旋食餼性爽直守正不阿爲文磊落有奇氣詩亦凝鍊侷儻善擘窠書工行草漢隸尤精自言遊某氏園見怪石森立老梅古榦偃仰忽悟八分筆法書學遂大進擅名一時

章綬銜 工畫

章綬銜字紫伯浙江歸安恩貢好聚書熟於掌故同治間延修府志訂訛補缺吃吃不倦時年七十餘神明不衰猶能作蠅頭小楷詩有唐人意畫亦得古法收藏明以後書畫頗富

湯祿名包棟 工畫

湯祿名字樂民武進人兩生第四子官兩淮鹽運判工花卉果實禽魚隨手點染俱能入妙尤擅長士女清逸雅秀有空靈飄渺之趣爲世所寶時有包棟字近三號子梁浙江山陰人工人物花木

彭玉麟 工畫

彭玉麟字雪琴湖南衡陽人年十六投協標充書識衡州知府高

公奇之使入署讀書逾年隸諸生籍道光末從協標大軍擒李元發於金峯嶺誤以爲武生補外委公辭歸曾文正治水師於衡湘常君儀安薦公有膽略遂以公與楊公載福分統焉屢著戰績同治三年六月收復江甯再疏辭官上鑒其誠許之既歸作小樓自居顏曰退省菴布衣青鞋種樹灌園有終焉之志越數年詔公復起視師授兵部尙書巡閱長江卒年七十有五謚剛直平生剛介絕俗有豪氣喜文士折節下交好爲詩下筆立就又善畫梅海內傳者過萬本云

孟毓梓張兆祥辛樾 工畫

孟毓梓張兆祥辛樾俱直隸天津人毓梓字繡村畫花鳥山水人

物筆墨蒼秀悉依古法兆祥字和庵畫翎毛花卉著色清妍備極工緻兼通西洋照像法樾字蔭圃善畫花卉翎毛揮灑縱橫有天然生動之趣

張襄徐慶升錢長豐徐潤蒼 工書

張襄徐慶升錢長豐徐潤蒼俱興化諸生之善書者襄字少平工擘窠書慶升字孟安工文及詩小楷行書在待詔華亭間長豐字問耕書法專仿孫過庭書譜潤蒼字雲儂工文行書仿董思白

王爲翰 工畫

王爲翰號西園徐州蕭縣人性曠逸少爲諸生卽淡名利作別墅於冒山之麓額曰亦足齋喜吟咏工畫墨竹每酒酣輿到輒信手

揮寫濃淡疏密各臻妙境嘗題句云靜對幽篁暑氣消數竿移植
上生綃醉來橫抹無章法錯認揚州鄭板橋

秦祖永秦鳳璪 工畫

秦祖永字逸芬號楞煙外史金匱諸生官廣東碧甲場鹽大使喜
收藏古書畫法帖精鑒別工畫山水得煙客神髓著有桐陰論畫
畫訣畫學心印二種足爲後學津梁猶子鳳璪字子儀亦諸生官
廣東候補知縣善畫山水

徐鳴時吳同午 工書

徐鳴時字鏡湖荆溪人幼聰穎逮長博覽羣書於天文星學卜算
岐黃各極精妙書工篆隸尤精詩古文詞著有離騷淺註讀左心

得讀莊心得同里吳同午字午生少通敏爲文簡潔有法著作甚
多喜收藏書畫碑刻工詩精篆隸楷法

胡震 工書

胡震字不恐浙江富陽人性卞急狀瘦小望而知爲山澤癯家富
春江南有田宅足治生不屑試於有司補弟子員弗竟其業特好
古文篆隸八分之學書絕佳卽行楷亦不涉唐以後一筆好遊嘗
走八千里探桂林山水幽絕處摩崖題名挾一銅鼓歸

侯度 工書

侯度安徽和州人諸生工書法尤善草書咸豐季年捻酋某蹂躪
和州慕度名以紙索書堅不允欲殺之無懼色引刀自斷其指血

淋漓旁人以無指永不能書解說遂釋放亂平自號斷指生書名
益學安徽某學使給一指千秋匾額以獎之

陳璞 工畫

陳璞字古樵廣東番禺人官江西安福縣知縣善畫工詩爲同郡
吳魯庵大令畫山水一幀并題句云萬疊峯巒積翠浮白雲深處
亂泉流山腰忽見盤蛇路知有茅菴在上頭

俞敦培 工畫

俞敦培字芝田金匱人官江西樂平縣知縣善畫工詩喜填詞有
海棠紅得可人憐之句人以俞海棠呼之居贛州最久關小園觴
詠流連尤有豪興所輯酒令叢鈔四卷雅人深致可想見也

王元昭 工畫

王元昭一名召無錫人字叔哇號粟畦別號告石道人鼎標子性
冷僻寡言語喜子身遊重巖絕壑翛然世外人也畫人物士女得
自家傳筆意冷雋如其人中年後摹倣山水各家於西廬麓臺尤
所服膺晚年藝益進蒼勁秀逸兼擅其勝

孟起鳳沈祐丹 工書

孟起鳳字漁疋江陰諸生性伉直傲岸不羣以善書名同里有沈
祐丹者字梓堂天資明敏工於吟詠書法逼近歐陽尤長於擘窠
大字索書者踵門不絕

翟夢青祝昭 工書畫

翟夢青字燕符安徽涇縣附生工書真行草隸皆入妙品尤善畫竹尺楮寸縑人以爲寶又有祝昭字亮臣安徽當塗人能詩善八分至彈琴作畫鐫碑刻印莫不精絕

施建烈 工書

施建烈字叔愚金匱人已酉優貢幼聰慧七歲能書楹聯有神童之目比長詩文書法益進爲蘇府掌書記中丞裕謙見其稟牘大加歎賞延司箋奏由是名重公卿兀傲不羈澹於榮利久客李文忠幕值蕩平粵捻巨匪欲加保獎峻卻之累試不售遂絕意仕進晚歲銓授華亭教諭未幾告歸著有六有書齋詩文集稿多散佚

後禮王緒王紳 工畫

後禮號鐵峯安徽無爲州人以蘭竹著名筆力健勁其竹幅愈大愈妙觀者如在竹林同里王緒號雪舟山水人物獨冠一時弟紳亦以畫著名王氏兄弟皆年踰八十

任熊任薰湯世澍 工畫

任熊字渭長浙江山陰人工花鳥山水尤擅長人物堪與陳老蓮並駕齊驅弟薰字阜長畫人物師法渭長尤工翎毛花卉時有湯世澍字潤之武進人工畫尤長設色牡丹筆意妍雅

張熊朱熊朱佃 工畫

張熊字子祥號鴛湖外史浙江秀水人工山水花鳥常客申江畫名甚噪山水摹倣四王花卉爲滬上寓公之冠年八十猶操筆不

倦著銀藤花館題畫記同邑朱熊字夢泉號吉甫工花卉頗悟上乘時與張子祥任渭長稱滬上三熊弟傅字夢廬得其法所畫花木亦穠湛可觀

丁本宗俞鳳喈張宸輝

工書

丁本宗字曉山宜興諸生工書能古文詞家貧授徒教必先行後文同邑俞鳳喈字丹梧性孝友撫教其弟甚至工詩善書時有張宸輝字朝翰新陽廩生工行楷書

孫顯

工畫

孫顯字勛三金匱諸生性閒逸咸豐中嘗借浙省試顯方治具入場忽自歎曰所以爲此者以父母在耳親已歿烏用是爲乃獨游

湖上而歸工畫喜用枯筆尤善作山水爲詩有遠韻兼精卜筮一日與客弈局未終起入內卒有妙香室遺稿

趙士鰲趙惇

工書

趙士鰲字芳洲崑山諸生家塾授徒嗜唐宋碑帖雖家貧必措資購得以能書名子惇字恂甫廩生幼承庭訓亦善書左右手兼能細楷深得歐柳筆意爲文有雄直氣

李允清薛廷瓚姜

有慶

徐軫殷載丹顧

大禮

王家駒徐景沅

工書

李允清字六橋鹽城恩貢生博覽載籍尤深於馬班二史法工詩書法善倣率更體邑中先後工書法者有薛廷瓚姜有慶徐軫殷載丹顧大禮王家駒徐景沅之倫

周之冕吳融工書

周之冕字麗文荆溪拔貢生官安徽太平知縣有惠政生平著述甚富兼工書法同邑有吳融字子明諸生工吟詠書兼學李北海顏平原皆能相似而與北海為尤近

顧廷楹顧釗顧珩工書

顧廷楹字子瑤號漢臺無錫人性敦厚篤於族誼工花卉翎毛筆意娟秀生動有逸趣卒年僅三十六同邑顧釗字石簣號蕉園廩貢生工山水又顧珩字佩之刑部候補員外郎工畫墨梅

沈燮韓潮邵謙工畫

沈燮韓潮俱浙江歸安諸生燮字五亭性孤介好奇喜畫山水師

法石田潮字蛟門工寫意花卉及墨蟹筆致脫略得新羅山人風

趣兼精刻竹時淮安府清河縣邵謙善畫山水尺幅千里

蔣曰豫工書

蔣曰豫字友石武進人性敏慧工文詩及篆隸書咸豐間捐知縣發直隸署元氏蔚州皆有政聲去任時囊無餘資同治七年捻擾直隸檄佐戎幕章奏多出其手

周寶彝施熊工畫

周寶彝字祖白吳江人諸生天資過人作山水魄力雄渾同時罕能及之同邑有施熊字伯壽山水喜作小品高潔精妙為人修飭所居室曰雙桐館灑掃清潔畫如其為人

周斌甫楊懷瑄徐廷模 工書畫

周斌甫楊懷瑄徐廷模俱宜興工書畫者斌甫字柳漁監生書學顏平原得其雄厚並精篆隸畫蘭竹尤入古生氣拂拂人謂能以書法作畫云懷瑄諸生工楷書尤善畫花鳥遺有錦江臨冊人珍弄焉廷模字直夫受篆隸法於懷甯鄧少白喜畫松鶴蒼勁入古

楊綸須羹梅 工書畫

楊綸原名錫綸字伯言金匱人工行楷學董文敏尤善山水摹倣四王筆意鬆秀蒼勁品高潔幕遊江淮間一生落落寡合人得其遺墨爭寶之同邑懷仁鄉須羹梅字友竹喜臨摹聖教序半截碑爭坐位諸帖尤工花鳥草蟲流麗生動賦色妍雅

董良夏挺芝蘇哲保 工書畫

董良字良玉安徽亳州人書法雄秀名重一時嘗館京師一巨公家從未干以私時有江陰諸生夏挺芝字再陽積學立品工二王書人爭寶之同里蘇哲保字明甫廩生工書摹倣華亭逼肖

傅繩祖陶泉黃湘 工書畫

傅繩祖字象賢新陽人善繪事以墨蘭著名多神韻同里陶泉字吟霞善畫墨松古秀奇突兼工山水花卉時宜興有布衣黃湘字士盦工詩善畫尤工山水非知己雖餽兼金不可得

張之洞後祺 工書

張之洞字香濤直隸南皮人同治二年癸亥探花官至兵部尚書

兩湖總督工書法筆意清挺開展時有後祺字咸吉安安徽無爲州諸生喜吟詠工染翰書法高出一時孽窠大字尤妙

徐琬湯鏞 工書畫

徐琬字席珍崑山人候選鹽大使善書畫書法秀逸宗趙吳興畫人物花鳥草蟲點綴生動異常頗自矜貴不多作時有湯鏞字東笙陽湖人少負才氣累試不售援例爲山東知縣工行草書善畫花卉風枝露葉生態逼真

裴蔭梧安鴻勳蔡廷槐 工書畫

裴蔭梧字旭先金匱廩生河南候補知縣工書同邑安鴻勳蔡廷槐俱有書名鴻勳字小琴號愛棠又號掃花仙附貢訓導善行草

書廷槐字蔭庭附貢大楷行書摹倣平原

楊湛思 工畫

楊湛思字琴山武進人善畫擬元人秋山亭子林巒鬆秀氣韻沖和間以坡石橋亭位置有法曾在古肆見其小幅絳色山水泉壑深遠意在大癡黃鶴之間

路子飛譚洪範管垣 工畫

路子飛字霽園荆溪人幼孤家貧奉孀母四十年色養如一日待寡嫂盡禮善畫竹石筆勢奇恣有譚洪範字獻廷者安徽亳州人諸生初學畫折枝以燈影照之遂悟其法隨意揮灑無不入妙又有管垣字薇院者陽湖人品學純謹善畫尤工花鳥

梅振瀛魯長泰吳以誠工書畫

梅振瀛字韻生直隸天津人能詩善篆隸行楷極精工畫山水蘭竹亦精妙尤喜畫金魚人稱其書法詩畫為三絕特淮安府清河縣魯長泰吳以誠俱以書畫名長泰郡庠生工書善畫閉門養素以道自貞以誠字古音歲貢生幼敏慧讀書而外琴奕書畫及醫卜之屬無不試習之尤工於詩

賈明法徐寶稼工畫

賈明法字懷清江陰人天資靈敏工詩善畫凡天文地理及卜筮諸書靡不精討著有同聲音韻集徐寶稼字小耕崑山人少讀書家貧習幕遊楚北善繪事蛺蝶尤工着紙欲飛遊楚時人爭乞之

楚人呼為徐胡蝶

徐郟過鑄工畫

徐郟字頌閣嘉定人同治元年壬戌一甲第一名及第授修撰官至太子少保都察院左都御史工畫山水稍後吾邑有過鑄原名麟號玉書同治癸酉舉人官浙江德清縣知縣工畫花卉

程奐輪吳遷工書

程奐輪字雅扶安徽歙縣歲貢候銓訓導工大小篆八分書手寫小篆十三經說文解字又工刻石有吳遷字松喬者安徽涇縣人官刑部司獄工醫尤善行草書

彭濬梁璠彭宗旭工畫

彭濬梁璠俱安徽蕪湖人均善畫濬字芥舟能詩尤工山水花卉仿石田白陽幾於亂真璠字崑璧工花鳥草蟲得徐黃意其同省有鳳陽人彭宗旭字立陽善畫以蘆雁得名

李鴻裔 工書

李鴻裔字眉生號香巖又號蘇鄰四川中江人咸豐辛亥舉人官江蘇按察使工書嗜碑版居吳中宋氏網師園有花木之勝

王浦洽大浦遠 工書畫

浦洽大號筠溪金匱人工篆隸深得錢泳心傳兼精荇藻魚蝦頗有韻致弟遠號卓庭工隸書又擅山水筆法近文五峯仿古尤妙莫能辨其真贋兄弟俱品高貌古同享大年

王維珍王涑 工書

王維珍字穎初一字席卿號蓮西一號蓮谿又號大井逸人直隸天津人咸豐庚申進士官通政司副使書法率更參以米董著蓮西詩賦集時有王涑號講泉浙江歸安人官廣西河池州知州能書得歐柳法

虞應樾劉士慶吳源水 工畫

虞應樾劉士慶俱以畫名應樾字春枝浙江德清人諸生善蘭竹不多著墨而帶風晴雨露之態士慶字愉生安徽和州人工畫墨竹筆意蒼老有致同治年間寓吾邑守備署賣畫以給時吾邑吳源水字晴初工畫墨竹筆意風流瀟灑

余彤金元 工畫

余彤字子山號右賓武進人以墨竹擅名山水雖非專家亦自秀韻有致時有金元字問漁浙江山陰人官廣東海陽縣丞工花鳥筆意妍雅近朱素人

陸士樸杜錫三楊治安 工書

陸士樸字少華無錫廩生有書名邑中禪房神廟多其匾聯而收藏家留其遺蹟者極少同邑杜錫三楊治安俱工小楷錫三字晉齋附貢鄉闈屢薦不售治安字可陳廩貢課徒勤慎晚年幕遊湖北寓在黃鶴樓飲酒一日乘醉縊樓人咸傷之

陳燾陳福基趙全 工畫

陳燾號曉亭新陽人善繪事以工細擅長子福基字松軒承家學精於丹青尤工畫松鼠壽至七十餘歲時有趙全字子仙直隸天津人畫山水人物派宗南北書味盎然兼精鐵筆

黃自元成沂 工書

黃自元字董虞湖南安化人同治七年戊辰榜眼官翰林院編修書法歐柳所刻碑版行世者頗多有成沂字芷青者晚號古頑道人興化人工書尤善篆隸

王松傅灃郭瑞嘉曹洪葉江沛蒼 工畫

王松字子喬鎮洋縣劉河鎮人能詩工琴善寫墨竹蘭石時有傅灃字友山荆溪人工醫喜作詩畫淡墨梅竹甚秀勁又有郭瑞嘉

曹洪葉江沛蒼俱安徽全椒之善畫者瑞嘉精堪輿善蘭竹洪葉善花卉翎毛沛蒼善山水

馬家桐穆倩 工畫

馬家桐字景韓直隸天津人畫山水花鳥仿古亂真其筆法可想見矣同邑有穆倩字楚帆者善畫花卉兼工翎毛草蟲師法國初憚正叔別具風神

趙之謙趙起鵬 工書畫

趙之謙字撝叔號益甫又號梅菴浙江會稽人咸豐己未舉人官江西鄱陽知縣精鑑金石篆隸師鄧完白花木師陳道復時吾邑有趙起鵬字雲九同治丁卯舉人官廣東陽春知縣有政聲工書

筆意秀挺偶畫山水亦有致

張槃 工書畫

張槃原名柞枝字小蓬晚號圓復道人直隸定興人官山東武定同知分隸花鳥得姚元之真傳自描博古有邊壽民遺意

錢鴻聲王元吉 工書

錢鴻聲字聽初無錫人國子生軀幹長大氣局軒昂中年遊幕汴梁工書法學王右軍米襄陽名噪一時同邑王元吉字履祥國子生誠樸無華勤學書臨摹右軍功候甚深

王禮 工書畫

王禮原名學禮字笠夫號戴笠山人鎮洋縣劉河鎮人人品疏落

於字學之八法畫學之六法均能豁然善書執筆仿撥鐙式故真
行俱有法篆隸亦蒼古畫善山水兼寫花卉最喜畫石磊落有致
而胸中不平之氣時一發之著有劉涓書畫家記畧二卷

金成穀郭璟燕 工書畫

金成穀字稔甫新陽諸生精書法尤善山水清秀絕倫時有郭璟
燕字紫超安徽全椒諸生博學工詩善八分山水尤喜畫梅每作
必有題詠故又號賦梅

侯琫森 工書

侯琫森字緯辰無錫人同治丁卯舉人知浙江遂安海鹽新昌等
縣所至清獄訟興文教解官後囊橐蕭然不異貧士爲文醇雅有

義法兼工書有索者輒書先正格言以應卒年七十著有花隱齋

詩文稿

鄒觀辰施鑑淵 工畫

鄒觀辰字拱夫號拱之金匱諸生好吟詠授徒餘暇旁及繪事范
山模水頗有心得其筆派雅近北苑然所作無多故邑人罕有知
者同里施鑑淵原名德淵字楨甫與觀辰同案遊庠亦工山水

楊峴 工書

楊峴字見山晚號藐翁浙江歸安人舉人官江蘇松江府知府善
書法尤精漢隸名噪一時工詩古文著有遲鴻軒詩文集

李慶良 工書

李慶良字廣卿號友鶴又號蟻乃直隸通州人同治丁卯舉人工
花草翎毛肆力於李復堂縱恣穠湛氣勢浩瀚亦足卓然成家著
有海棠巢題畫記

楊昌祜 工畫

楊昌祜字子延無錫人國子生自幼多病不事舉業規行矩步以
道自貞工花卉尤善畫菊紉鉤密染五色斑斕惟喜畫熟紙宜小
品若巨幅則非所長性愛時花種菊灌溉不憚勞年八十卒

王鼎平張樾蔭趙鍾靈 工畫

王鼎平張樾蔭趙鍾靈均直隸天津之以丹青著名者鼎平字鑄
九畫花鳥蟲魚規行矩步體韻精妍樾蔭字若村畫蘭竹木石淡

蕩秀逸書生本色鍾靈字菱洲善畫山水石峭林枯潏然雪意

陸潤庠翟伯恆 工書

陸潤庠字鳳石元和人同治甲戌一甲第一名及第授修撰官至
都察院左都御史有書名其同榜進士入翰林者有翟伯恆字保
之泰與人昔年見其所書楹聯開展倜儻意近南宮

王昭 工書

王昭字雯若崑山人國子生工書善畫山水宗黃子久得其神髓
亦精岐黃術生平澹於榮利家居課徒餘藉翰墨自娛雖寸幅尺
練人爭寶之

陳恩培卞寅清劉廷彬 工書

陳恩培下寅清俱直隸天津人恩培字紹鄉寅清字靜波均善書
筆法道逸尤長擘窠書時同里劉廷彬字子榮工行楷書法晉宗
元卓然稱巨擘

楊宗瀚楊宗瀛顧焱 工書

楊宗瀚字浩農號藕舫無錫人河南遇缺題奏道工書娟秀類鍾
王弟宗瀛字凌洲號望洲光緒己卯舉人官貴州安南縣知縣精
書法摹仿右軍小楷頗見工力其神韻令人可愛同邑顧焱字俊
夫同治庚午優貢亦工書惜年不永

江名世金竹書 工書

江名世安徽全椒諸生工書年八十餘猶日臨聖教序得者珍之

壽九十四同邑金竹書武生書法顏魯公晚年喪明猶能作擘窠
大字見者不知其盲於視也

魏燦俞琦 工書

魏燦字煥庭安徽鳳陽人諸生善奕書宗趙文敏筆意娟秀年七
十猶能作楷時有俞琦安徽全椒人亦諸生喜臨池寒暑無間善
行楷書

傅瀚廖綸 工書

傅瀚字蘭槎號蘭坨浙江山陰人同治丁卯權無錫縣知縣恩威
並用政治卓卓工書法用筆在米董之間光緒初年又有來宰吾
邑者四川巴州人廖綸字養泉亦精書法純仿平原頗能肖似

王庭楨

工書畫

王庭楨字子泉一字翰臣無錫人咸豐乙卯順天榜副貢官湖北武昌府知府才幹優長在鄂多善政工小楷頗有圭峯碑神骨兼善山水得父武愨公之傳不為枯瘦險怪之筆天然秀潤見者歎為氣韻不可及

楊熙楸吳烜朱文清

工畫

楊熙楸字暢園江陰人諸生工詩善畫尤精竹石有石刻數種行世同邑吳烜字孔彰國子生善畫猿猴惟妙惟肖時吾邑東鄉有朱文清號景軒者工山水花卉人物均有妙致

華文滙華文漪

工畫

華文滙字海初金匱人同治癸酉舉人江西瑞金吉水等縣知縣少負才略所至有聲工花卉尤擅長蘭石告歸後栽竹蒔菊消遣世慮有彭澤風弟文漪更名溥號留仙候選從九工山水

陳璫

工書

陳璫字鹿笙一字六笙廣西貴縣人廩貢生官浙江杭州府知府陞四川按察使工書法得力於圭峰碑而稍變之筆意凝鍊挺秀

王仁堪

工書

王仁堪字可莊福建閩縣人光緒三年丁丑一甲第一名及第授修撰官至蘇州府知府文學吏治有聲於時工書筆意似歐陽率更刻有碑板行世

顧森書 工畫

顧森書字慶卿金匱人同治癸酉拔貢生文翰贍美品亦峻潔久參安徽巡撫幕府掌司牋奏爲時所推以軍功保知州暇輒娛情詩畫尤工山水筆法蒼勁蔚然深秀著有存敬畏齋文鈔篋韻齋詩鈔師二雲居畫贅

席元禧 工書

席元禧字潔人崑山人性閒雅宅後拓場圃數弓疊石鑿池蒔四時花木營精舍十餘楹名曰隱園工漢隸大小篆兼精鐵筆廣交遊賓客過從無虛日

陳汾陳梧 工畫

陳汾字晉川無錫東鄉新塘橋人蘇籍諸生鄒駿弟子咸豐之季橐筆大梁鬻畫自給同里陳梧字少勤國子生工畫山水兼工醫

陳羲唐 工畫

陳羲唐字錫卿號翁青江陰人光緒九年進士工山水深得古法筆致酷似王廉州秀氣襲人兼善畫梅收藏金石書畫甚富精鑒別家有園鑿池累石時百卉樹木環繞亭臺終日染翰其中

任棣華徐星煌李文焯 工書

任棣華字韓亭宜興人廩生能詩文工書筆意似文衡山尤醜經學同里布衣徐星煌自謂質魯性野不適於用世因字魯野專意臨池徧學諸名家積五十年不懈尤得王內史顏太師神髓居城

市眇出遊非踵門求書者罕見其面又荆溪李文煒武生能作顏平原行書

秦寶璣 工書

秦寶璣字姚臣號潛叔金匱人同治丁卯科副優貢生幼卽凝靜五齡能作懸腕大字筆意秀勁比長肆力於詩古文詞尤愛陶靖節集心摹手追淳古簡澹性嚴毅造次必循禮法所學覃研三禮而於輿地爲尤精文不苟作淵雅純正可存者多著有霜傑齋詩稿四卷竣實齋文稿二卷

吳念椿劉宗亭 工書畫

吳念椿字慶餘長洲人浙江候補知縣工楷書尤善行草筆意挺秀超逸在歐褚之間若不食人間煙火者兼工蘭竹其先時有劉宗亭安徽壽州拔貢生官順天宛平縣丞居官清正善詩文工書畫有聲於時

王震甲 工書

王震甲字葭沚崑山人自幼讀書邗江歷從名師遊穎慧邁人學有根柢弱冠補諸生卓犖有大志素工書法宗顏魯公柳公權筆意善擘窠大字秀勁奇突

嚴光裕 工書

嚴光裕字西園淮安府清河縣人讀書精研義理於歷史尤必窮閩奧有知人鑑性穎悟善書臨帖能肖似兼精篆刻

劉繼增 工畫

劉繼增字石香號寄漚無錫人少孤力學不事科舉工文善詩畫其畫從學於同邑楊芝田爲入室弟子花卉雅秀妍麗非時下畫家所能及爲人淵穆謹飭事無鉅細處理井然兼精政治壯歲蒙筆遊楚歷參大府幕數年以母老乞歸杜門撰述攷訂古籍搜羅金石所交皆一時名宿著有忍草庵志惠山竹枝詞詩文集

羅清 工畫

羅清字雪谷號壺冰廣東番禺人性高傲孤潔中年棄家遊歷工指畫所畫墨竹雨染煙烘頗覺秀潤畫梅有古豔古香之趣

姚孟起 工書

姚孟起字鳳生蘇州人貢生天資聰穎又能刻苦加功凡遇名帖心摹手追得悟晉唐相承原委遂以善書著名所臨皇甫元憲碑王孝寬博塔銘褚書枯樹賦闡皆付刊余未之見得見者惟九成宮醴泉銘開架逼肖筆亦挺勁溫潤可爲初學津梁著有字學臆參七十餘則

楊鐸黃裔 工畫

楊鐸字石卿河南商城人嗜金石工花鳥有奇矯之氣其先時有黃裔字雨先者安徽太平人太松曾孫善畫山水疊嶂層巒青蒼秀潤尤工翎毛花卉不失家傳

陸士霖 工書

陸士霖字引南號沛甘金匱人附貢生候選訓導貌魁梧奇偉待友以誠處世以謙恂恂有古君子風自幼喜習書臨池揮毫無間寒暑於右軍聖教序率更令醴泉銘臨摹最久深得其神髓間亦涉歷他帖而草書及擘窠大字尤佳中年以書法教授從學者數百人所書八十四法一部已付印行於世

邵瑞澄張紹緒陳毓瑛梅元捷嚴振

工書

邵瑞澄張紹緒陳毓瑛梅元捷嚴振皆直隸天津之善書者瑞澄字鏡波紹緒字柳堂毓瑛字潤璋元捷字子駿振字香蓀俱精八法揮毫落紙氣足神完

黃思永馮煦

工書

黃思永字慎之江甯人光緒六年庚辰一甲第一名及第授修撰工書時有馮煦字夢華金壇人光緒丙戌一甲第三名及第授編修官山西兵備道善書法政治之暇輒臨摹名帖尤工草書古樸渾厚著有蒙香室詞稿

孫其業姚坤壽

工書畫

孫其業字梅菴金匱人諸生五品銜浙江補用巡檢性溫厚和平舉動風流瀟灑工書摹仿趙松雪惟妙惟肖所書匾聯甚多兼工山水同邑姚坤壽原名奎藻字筱湘廩貢生工小楷兼善花卉

郭宗儀陳瑚

工書畫

郭宗儀字少泉浙江嘉善人工行書筆意似米趙圓潤多風趣兼

善畫蘭及博古光緒時挾藝遊錫年餘始去先時有陳瑚字子珊者江陰人諸生天資聰敏工草書筆頗飛舞尤善畫蘭竹花卉自號健餘老人

潘錦潘繼烈 工畫

潘錦字畫堂別號醉煙道人無錫人諸生性靜穆工詩詞尤善畫人物士女山水均合古法筆意清超鬆秀間畫花卉亦有韻致名噪一時子繼烈子兆平諸生畫承家學工山水

司馬湘 工書

司馬湘字晴江常州人工琴善畫得繡谷老人家法而花卉做學南田曾爲其友人繪蛟川送別青綠山水有咫尺千里之勢

樂徵緯梅承瀛 工書畫

樂徵緯字硯卿直隸天津人工篆隸行楷極有名兼精鐵筆畫山水花鳥頗饒韻致時同里有梅承瀛字環洲畫士女人物寫真神腴骨秀迥異凡工

沙馥任頤任豫 工書

沙馥字山春蘇州人工人物士女花卉頗饒韻致時有任頤字百年一字伯年浙江山陰人熊族子工人物花卉又有任豫字立凡亦熊族子人物山水花卉均佳

侯家鳳 工書

侯家鳳字翔千石琴先生仲子無錫歲貢生誕生之前一日其母

夢有人捧白玉一盤令擇其一因別號夢玉生幼敏慧讀書過目成誦有神童之目善詩文兼工隸書惜年不永未得大成

胡義贊 工書

胡義贊字石查河南光州人仁頤子同治癸酉舉人官浙江海防同知工山水筆意秀潤得香光清淑氣畫意題識俱佳兼精篆刻

改再薌鄭珊 工書

改再薌闕其名松江人七薌之孫性溫厚喜交風雅士亦工人物士女花卉然不逮乃祖遠甚時有鄭珊字雪湖號荃橋安徽懷甯人武生工山水筆意蒼厚略嫌禿重年逾八十猶操筆不倦

項繼臯 工書

項繼臯字蘭谷晚號懶叟安徽歙縣人弱冠時來錫卽家焉初習質庫業得暇勤學書并喜學山水宗米派暮年因書畫頗有進境遂以筆墨爲生涯嗜酒落拓取潤無求豐之意

馮文蔚 工書

馮文蔚字聯棠一字蓮塘號脩齋浙江烏程人光緒二年丙子三甲第三名及第授編修官至內閣學士工書摹仿米襄陽董華亭筆意風流倜儻

孫思敬吳永安侯樸秦穀豐 工書

孫思敬字伯肅金匱人顯子廩生畫承家學工山水精卜筮同邑吳永安字遠山工人物傳神兼精山水侯樸原名朝棧號小舫官

雲南候補知府交友不惜揮霍工花鳥兼能刻圖章尤精刻磁器
又有秦穀豐號健庭廩貢訓導能畫山水

如山吳鳳儀 工書

如山字冠九滿洲鑲藍旗人道光戊戌進士官四川按察使書宗
北魏晚年尤精進有龍跳虎卧之勢有吳鳳儀字子軒者無錫人
諸生工行書

屈承懋 工書

屈承懋字仲豪常熟人善丹青尤工花卉見古人畫幅必極力臨
摹分枝布葉條暢自如勾染設色雅飭穠麗名噪一時遠近乞書
者戶履恆滿

許有麟 工書

許有麟字石卿浙江仁和人同治戊辰傳臚官湖北鄖陽府知府
書宗各體所書扇箑屏聯均非尋常卷摺字於褚臨黃庭經尤近

張寶誠王錫驥杜學頤 工書

張寶誠字樸耘無錫人浙江候補知縣性聰敏喜臨摹名帖筆意
流麗端莊頗有書卷氣同邑王錫驥杜學頤俱諸生錫驥字伯厚
書法挺勁能用雞毫學頤字子貞亦能書筆致娟秀

毛承基徐三庚 工書

毛承基字華蓀浙江錢塘人候選通判工篆隸光緒十六年庚寅
石印康熙字典其中所添篆書承基手筆時有徐三庚字袖海里

居未詳亦有書名

卜兆璜許鳳階 工書

卜兆璜字熊飛號渭臣宜興人國子生光緒初年挾藝遊錫寓西門外高氏花園數年始去入賞為浙江補用巡檢工花卉同邑許鳳階字梧岡亦曾來錫鬻畫工花鳥

江標 工書畫

江標號建霞元和人光緒己丑進士授編脩放湖南提學使捐俸創建書院興實學喜作山水工篆書大楷得趙文敏遺意

汪洵 工書

汪洵字子淵號淵若陽湖人光緒十八年壬辰進士授編修工書

法摹仿平原得其神骨又參以他帖而變化之工力甚深兼精篆隸雅飭古樸暮年僑居滬上求書者遠近紛至

高承炳李汝霖趙錫華 工書

高承炳字念帖號研五無錫人幼學多病淡於榮利精究醫道又通畫學中年彙筆海上曾作本草簡明圖說一部繪畫工緻上題藥性以便讀者收藥千餘種醫家所需皆備薛中丞福辰序之付石印行於世年近古稀猶時作巨幀大幅揮毫不輟同里李汝霖號沛堂工人物傳神趙錫華號樹堂工墨蘭

陳壽昌 工書

陳壽昌字崧佐直隸宛平人以進士授庶吉士光緒間為無錫縣

知縣書法四體皆工晚年尤長於隸所臨醴泉銘拓本幾可亂真
潘文勤亟賞之

蔣維瀚

工書畫

蔣維瀚字克莊號可莊一號老可武進人幼嗜繪事蟲魚花鳥一
切生物栩栩之致目有所遇藉手以傳之自然逼肖又能書臨摹
法書名刻無不神似顧用力不專既過輒置之不似其畫之深造
始以寫真擅名而性苦束縛或因大故欲用爲遺像以促之維瀚
不能堪謂搦管以自陶寫僕僕爲人牽率非本懷也乃以山水命
筆以爲尺幅千里足以自娛又以作畫爲爲人之學求者縑素山
積輒以嬾自放云

陶恭壽陶光鏐朱英

工畫

陶恭壽字眉生金匱人聰穎絕倫工花卉及翎毛草蟲師事楊芝
田嘗與師同作花卉小冊不署名見者不能辨中年臨古之作與
古人不爽毫髮從弟光鏐字襄臣性誠篤嗜書畫喜臨摹歐陽率
更體花卉與從兄同師工人物筆意雅飭問畫山水亦有致同邑
朱英字遜甫諸生工花卉筆致秀豔

王臣弼虞汝霖

工書

王臣弼字右星太倉人湖北知縣工篆書儼然完白真傳其女兄
澗香女史詩畫負盛名女澤華亦工花卉時有虞汝霖字雨人里
居未詳亦湖北知縣書法香光頗爲當世所重

汪彥份王臣颺 工畫

汪彥份字罔孫常州人叔明之孫以知縣需次湖北秉承家學書山水奇肆奔放而仍不越準繩尤精鑒別凡屬贗品鮮能逃其法眼時有王臣颺字賡言太倉人善畫山水

諸可權夏之霖易三 工畫

諸可權字肖鞠浙江錢塘人可寶弟官湖北江夏縣知縣善花卉嘗謂作畫最忌濃俗濃輒少韻名論也故所作均以澹雅爲宗時有夏之霖字雨生江浦人諸生工詩善畫尤工墨梅又有易三號夢交揚州人善畫花鳥

趙印 工畫

趙印字鴻雪無錫人工人物筆意仿十洲畫士女尤妙長於寫照形容畢肖奪過泰西攝影近十年專心琴學頗有心得處事接物真率無私曲惜年不永耳

孫毓驥伊立勳 工書

孫毓驥字展雲號孟遠直隸鹽山人曾權金匱縣工篆書時有伊立勳字峻齋福建汀州人光緒季年來宰吾邑居官清廉慈愛書法稟承家學工篆隸

馮光適袁丹鼎 工書

馮光適字仲梓陽湖人同治甲戌進士授編脩放福建學政書法出入顏歐一種凝重之態亦如其爲人時有袁丹鼎字澹綠別號

淡緣子河南人工指書姿致圓潤秀挺不異於以筆爲之

蕭榮爵楊壽昌 工書

蕭榮爵字漱篔湖北人官翰林書法率更涂朗軒督鄂時爲書各種刊本皆可爲後學模楷有楊壽昌字葆初者四川成都人官湖北江夏黃岡等縣知縣書倣東坡已窺堂奧頗自矜貴不肯苟作

史致謨史悠撫莊怡孫 工書

史致謨字幹甫常州人湖北候補知縣工篆隸子悠撫字季育四體皆工行楷尤瘦硬通神同里莊怡孫字省吉號心吉工隸書

陳桂馬士慶 工書

陳桂字矩廷浙江人湖北同知善花卉尤精鑒別有姬曰吳江淑

雲女史以畫雙白燕名於世同時有馬士慶字伯嘉別號秣陵白

葭江甯人湖北知縣工花卉翎毛

朱丙焱王元鑄唐濟鎮

朱丙焱字豪然無錫人諸生能書屏聯匾額喜多酬應偶以餘暇作墨竹及米派山水同邑王元鑄字桂芬國子生亦能書性灑落淡於榮利嗜酒人招之飲而求書無不揮毫立就嘗景仰王孟端邵文莊之風棲止惠山讀書小隱多行善舉著有芸香書館詩稿又唐濟鎮字若川金匱人光緒甲午舉人官戶部主事好研究說文有石印篆書兩種行世

費念慈陳名侃薛成章 工書

費念慈字肥懷武進人光緒己丑進士授編脩工書法有陳名侃
字夢陶者江陰人官左都御史書法玉版十三行如空谷幽蘭孤
芳自賞其同邑有薛成章號達夫工篆書

陳樹菱王宗藩

工書

陳樹菱字松譜里居未詳湖北知縣書法鍾王晚年所書屏幅幾
可頡頏松雪媲美思翁時吾邑有王宗藩號曉初能勤習隸書

徐浩王墀

徐浩字培卿蘇州人工山水筆致秀潤兼能畫竹石光緒初年挾
藝來遊寓吾邑北里時有王墀號雲階江陰人精傳神人物

名媛附錄

文俶

工書畫

文俶字端容蘇州人從簡女趙靈均室書畫得家法更工花鳥接
武徐黃極風致嫵媚之妙尺幅片紙人爭寶之爲國朝閨秀之冠

周淑禧

工畫

周淑禧江陰周硯農女工詩其畫點染生動神采煥發翎毛更入
微妙年八十餘猶不倦人有得其片幅者爭寶之陳繼儒題其畫
曰花有露鳥有聲能令造化無權有此才女使人不復羨謝家也

龔靜照王昉孫旭媿

工畫

龔靜照字鵲紅無錫人明末殉難龔中翰佩潛先生女工詩又善

畫翎毛花卉著有永愁人集同邑王朗字仲英秦宮諭松齡之嗣
母有夙慧歌詩小詞及畫水墨梅花並稱絕調又孝女孫旭媛字
曉霞號如婉諸生孫雲朝女雲朝無子而貧曉霞侍養不嫁鍼繡
所得以供甘旨能詩畫兼知醫親歿居邑之婁巷頽垣斗室吟咏
自怡著有峽猿吟草年八十餘卒

馬荃 工畫

馬荃字江香常熟人扶曦孫女龔克和室工寫意花卉妙得家法
設色妍雅姿態靜逸絕無點塵其筆端頗饒香豔趣欸書端楷尤
有逸致極爲時流推重

徐昭華黃媛介 工書畫

徐昭華字伊璧號蘭癡浙江上虞人駱嘉采室毛奇齡女弟子書
畫宗管仲姬時有黃媛介字皆令浙江秀水人楊士功室書法右
軍山水宗仲圭著有離詞湖上草

唐素蔡如玉 工畫

唐素字素霞無錫人孝女工花草鉤染得北宋人法嘗寫百花圖
卷當時名公題詠不下百家孝女早歲失恃兄弟繼歿矢志不嫁
垂簾鬻畫養父終身家在第二泉側冠蓋往來咸知有唐孝女乾
隆中詔旌其廬年七十餘矣未幾卒同邑蔡如玉過錦繼室工花
卉翎毛亦能爲小詩

惲冰 工畫

暉冰字清於號浩如武進人南田之女武進志云南田族曾孫女
善花草得其家法芊緜蘊藉用粉精純迎日光花朶燦灼作已輒
題小詩名著吳中適同里某有子四人皆傳其學

王端淑 工書畫

王端淑字玉映號映然子浙江山陰人遂東先生思任女也適錢
塘丁肇聖博學工詩文善書畫長於花草疏落蒼秀卒年八十餘
著有吟紅集

李因 工畫

李因字是庵號今生浙江會稽人海甯光祿葛無奇篋室工詩詞
水墨花鳥蒼古靜逸頗得青藤白陽遺意所畫極有筆力無軟弱

態當時名譽甚隆真閨閣中翹楚也

岳瘦峯堵霞楊端雲 工書畫

岳瘦峯字人梅無錫人康熙丁酉武舉人超妹早歲工詩兼善書
法寫生以許字無行子終身不嫁依淨室以終同邑堵霞字綺齋
知縣廷棻女諸生吳元音室詩詞書畫靡不工妙有楊端雲字麗
卿號靜娥者吳縣人汪昂姬工書畫能詩精篆刻

陳書 工畫

陳書號上元弟子晚號南樓老人浙江秀水人錢綸光室陳羣母
封太夫人工花鳥草蟲風神道逸機趣天然極其雅秀用筆用墨
深得古人三昧頗無脂粉之習錢氏多畫手皆出其門

竇淑貞 工書

竇淑貞一作貞淑字湘婉山東諸城人總憲竇光鼐幼女能詩善畫父歿隨其生母居蘇州未嫁而夭總憲門人秦小峴侍郎葬諸惠山忍草菴側手題碑碣并給菴僧田三畝守之

徐粲蔣俶 工書

徐粲字湘蘋一字明深號紫管吳縣人陳之遴室工花草士女筆意蒼楚而有士氣兼擅詩文著拙政園集閨秀中無其匹時有蔣俶字又文常熟人廷錫女王敬室畫兼庭訓工寫生

毛秀慧汪漣 工畫

毛秀慧字山輝太倉人王愨室夫婦娛情畫理同此素心其畫山

水竹石雅潔可觀有汪漣字文水號文道人者浙江仁和人華岳女弟子錢機室工山水花鳥得新羅之秘旨

徐蘭英嚴氏 工書

徐蘭英無錫人進士孫洙繼室幼慧學詩於杜太史詔又從蔣衡受筆法能擘窠書同邑有嚴氏名號未詳中允藕漁先生孫女青梧之女侯伊韙之室也幼工詩善楷法青梧語人曰老夫衣鉢不傳於子而傳於女然平生終不以詩文見及古稀外始稍以示子孫輩孫孝廉錫手鈔數十首藏於家曰寸心草

吳正肅陳結璘金淑 工畫

吳正肅字靜嫻江都人黃履岳室山水師沈周頗饒實力一洗纖

弱之態時有陳結璘字寶月常熟人瞿伯申室工詩山水宗宋元
筆意鬆秀又有金淑字慎史號純一浙江嘉善人沈錫章室工花
卉家富收藏臨摹克肖著有得樹樓集

曹秀貞鍾若玉王玉燕

工書畫

曹秀貞字墨琴安徽休甯人曹銳女王芭孫室工寫梅書法率更
著寫梅軒詩鈔有鍾若玉字文貞號元圃者崑山人周官室文宗
韓柳書法右軍寫梅師金農有王玉燕字玳梁者丹徒人文治女
孫書有祖風工梅蘭水仙頗有逸趣

莊寶珠唐氏

工畫

莊寶珠武進人史致馴室幼工詩畫年十八歸致馴家貧寶珠質

奩佐讀其姑在堂以鍼黹供甘旨而自食粗糲并封臂愈姑疾姑
壽日祝客畢至寶珠質裏衣治饌飫客同邑有唐氏順之六世女
孫善畫花卉禽魚秀逸有韻致

習忍龔琴徽惲懷娥惲懷英

工畫

習忍武進人不知誰氏女寫生師惲南田法有折枝花冊娟媚雅
潔枝幹花葉均有意致非貌似其師也同邑稍後有龔琴徽字月
鄰名家女能詩善寫生尤工蛺蝶又有惲懷娥字紉蘭壽平曾孫
女曹恆室花卉精雅妹懷英號蘭陵女史呂光亨室花卉韶秀

馬師班鄒雪虹

工畫

馬師班無錫人楊錫贊室能詩工山水錫贊世父夢槎殉節金川

立祠未就馬脫金釧助成之少寡守節三十餘年卒同邑鄒雪虹
號二泉女史能詩工花卉

方若徽字仲惠安徽桐城人勤襄公女汪元炳室工琴精詩畫篆
工畫

刻時有潘淑字冰蟾浙江湖州人周農弟子工詩善畫山水農嘗
贈詩有博士於今在閨閣鬢眉媿煞李將軍之句又有顧韶號螺
峯浙江錢塘人顧洛女吳賢室花卉士女得家傳筆意妍雅可人

吳規臣華玉珩工畫

吳規臣號香輪無錫人寶書族姪女畫承家學兼法南田性喜藝
花必親灌溉每對花寫照細鈎淡染頗妍妙與香輪一時齊名者

有華玉珩號佩仙吳汝渤室工花卉豔雅大方無閨閣纖弱態

方婉儀吳申

方婉儀號白蓮居士安徽歙縣人羅聘室工梅菊得荒寒意著白
蓮半格詩學陸集同里吳申字蕙姬錢東室工花卉著雙梧小草

錢斐仲鍾惠珠

錢斐仲字餐霞號雨花女史浙江秀水人擣石翁曾孫女德清戚
士元室有至性善畫工詩詞世人爭求其畫不知其詩詞之工也
卒後士元刻其遺稿同里鍾惠珠字心如張熊室工梅竹花卉

董晚貞湯嘉名惲珠

董晚貞字蓉湖號雙湖武進人湯貽汾室工寫梅女湯嘉名字碧

生詩詞秉父教花草得母傳設色淡雅同邑惲珠字珍浦惲格後裔工詩畫著紅香館詩集蘭閣寶錄所畫筆意雅潔

張玉王素雯

工書

張玉字子美吳縣人汪鏞繼室工行楷善作擘窠書得平原魄力時有王素雯字雲仙湖北孝感人蕭道藩室工書著綠窗吟稿

楊蘊輝凌黛楊竹芬龔宜璋

工畫

楊蘊輝字靜貞無錫人蘿裳女孫適福建董某工詩善畫著有吟香室詩草二卷行世同邑凌黛字湘貞孫襄廷室受畫學於華佩仙工花鳥夫早逝撫孤守志賣畫以自給楊竹芬字筠如子延女工花卉出自家傳龔宜璋字尹華陶世鳳次媳亦工花卉

方外附錄

釋道濟

工書畫

道濟字石濤一字大滌子號苦瓜和尚又號清湘老人前明楚藩之後工山水竹蘭花木設想超逸布局古雅筆意縱橫排奭以奔放勝人脫盡畫家窠臼尤精分隸書王翬推爲第一作手每成一畫與古人相合蓋功力之深非於唐宋諸家心領神會烏克臻此著論畫一卷詞義元妙全從經典中得來

釋髡殘

工畫

髡殘字白禿一字石谿號石道人又號殘道者楚之武陵人俗姓劉幼失恃遂自剪其髮投龍三三家菴旋游諸名山參悟後來金

陵受衣鉢於浪杖人住牛首寺工山水筆墨蒼莽高古境界天矯
奇闊處處有引人入勝之妙盛夏展翫頓消煩暑蓋胸中一段孤
高奇逸之氣畢露毫端誠元人勝概也然不輕爲人作雖奉以兼
金求其一筆不可得至所欲與卽不請亦以持贈品行高出人一
頭地所與交者遺逸數輩而已

釋宏仁正屈 工畫

宏仁字漸江號梅花古衲安徽歙縣人本江姓名翰字六奇前明
名諸生甲申後棄去爲僧工詩文山水專師倪雲林遂臻妙境偶
亦摹倣元季諸家當時極有聲譽新安畫家多宗清閼法者蓋漸
江導先路也正岳字豁堂號藕漁晚號南屏隱叟俗姓徐名繼思

浙江仁和人感時爲僧主常熟三峰方丈江山水直接踵於宋元
諸家頗多神韻著同凡集

釋上睿通真圓通 工畫

上睿字溥濬號曰存又號蒲室子吳縣人詩工秀雅潔與惠士奇
張大受結詩社山水布置深穩氣韻冲和得王耕煙指授花鳥得
惲南田真傳或云畫長於臨摹其倣唐子畏尤入妙蓋其生平所
得力也通真字超澄號月江又號語石青浦人俗姓羅祝髮圓津
禪院工詩山水宗巨然圓通號杲道人順治初卓錫福慧菴相傳
爲明季進士文章詩畫無不精

釋普荷達真 工畫

普荷字擔當雲南普甯州人俗姓唐名泰字大來年十三補邑諸生天啟中以明經入對大廷嘗執贄於董思翁之門甲申後雍髮結茅雞足山工詩畫傲顛米迂倪筆墨枯淡極有神韻所作往往純用枯筆有神無跡而靈秀之氣騰溢紙上真能脫盡煙火氣者達真字簡庵婁縣人俗姓楊受度超果寺工詩善花鳥清雅工麗

釋常瑩靈璧宏瑜

工書畫

常瑩字珂雪浙江嘉興人俗姓李名肇亨字醉鷗日華子工詩書善摹褚河南山水氣息渾古風韻靜穆不入時人蹊徑所畫用淡墨乾皴極有逸致林木瀟灑蒼鬱隨意點刷精彩煥發絕無一毫縱橫習氣片紙尺幅寶如拱璧靈璧號竹憨吳江人善草書兼善

山水蘭竹花草果品多墨筆自寫胸臆脫略恣肆逸品之亞也宏瑜號月章俗姓王名作霖前明中書舍人浙江會稽人法書真草俱佳善山水學大癡法兼長仙佛

釋半山圓顯明瑜

工書

半山和尙安徽宣城人俗姓徐名在柯好遊覽山水撫雲林仲圭石田三家兼取法董巨筆思蒼渾墨氣濃厚淋漓宣池之間奉爲模楷焉圓顯字文晦又字一性號楞巢俗姓陸初居蘇州靈巖寺康熙初來吾邑惠山忍草菴工詩善畫著有楞巢吟稿忍草菴乘畧明瑜字陶熙無錫板村蔡氏子祝髮保安寺康熙中主席靈巖工詩善畫著有隨雲草

釋德新達乘申和尚 工書
德新字懶牧吾邑宋村朱氏子祝髮受戒於惠山能詩兼善書法
稍後有達乘字志清披薙崇安寺文昌宮誠樸甯靜通曉文義兼
工書晚年主席蘇州靈巖山崇報寺逾年歸又有申和尚住持準
提閣能書好靜持戒最嚴與諸生周暎相友善暎晚年貧甚中和
尚留宿菴中十餘年嘗終日相對無言見者歎爲神交

釋石莊真覺明遠 工書

石莊號石頭和尚上元人祝髮於揚州桃花庵喜結文字緣精鑑
藏山水得古法用筆不多純以趣勝真覺字見心揚州人俗姓朱
主文昌閣山水師錢叔寶有時筆意似沈石田別具會心明遠字

惟善吾邑膠山王氏子祝髮文溪庵工詩善畫著有半溪詩草

釋韻可達受 工書畫

韻可字鐵舟號木石山人湖北武昌人善鼓琴工書法竹石花卉
尤擅長筆意超脫揮灑自如不襲前人窠臼惟稍有江湖氣自楚
渡江而東住吳縣李王廟時遊禾中魏塘吳興苕霅間所至人爭
重之達受字六舟浙江海甯人白馬廟僧耽翰墨不受禪縛行脚
半天下名流碩彥樂與交游精別古器及碑版之屬阮太傅以金
石僧呼之篆隸飛白鐵筆並妙花卉寫生得青藤縱逸之致隨筆
點染簡淡超脫古趣盎然最爲精絕

釋友月量雲 工書

友月宜興化城寺僧嗜書法以北海為宗出入顏柳毘陵錢伯坰常與游時有暈雲字蓮衣湖北武昌人主杭州天竺方丈工隸書

釋大須半橋 工書畫

大須字芥航鹽城蔡氏子少孤家貧披薙於伍祐場三元宮後至寶華山參敏通上人遂悟禪門宗指工詩善書畫晚年卓錫焦山自號不不頭陀兵部尚書彭剛直玉麟與訂方外交半橋宜興水菴僧佚其名善畫蘭竹與姑蘇墨泉僧齊名而秀逸過之因畫法宗鄭板橋號曰半橋晚更得巨然派獲其一幀者輒索重價云

道家劉本銘伊大麓 工書

劉本銘字奉盤號雲巢徐州蕭縣人幼失怙恃入真武觀為道士

喜讀書耽繪事尤工山水好鼓琴為人恬退一介不苟取山水得二王法清麗似石谷高曠追麓臺晚年用筆若夢若霧空靈無匹脫盡畫家氣習伊大麓字壽先號雲峰蘇州圓妙觀道士王玖弟子工山水蒼勁有致

道家榮漣朱道士錢燦陳性圭 工畫

雍正時吾邑有榮漣字三華號河泉少孤多疾母命入明陽觀為道士為人簡直善畫亦能詩徧遊名山水所至以詩筒畫笥自隨事母孝在外得珍玩良藥悉藏以奉母母歿廬墓三年不復出邑士大夫其往迎漣築室錫山之巔以居之漣鑿池其中繞麓植梅花名所居亭曰香雪其後有朱道士者善畫山水亦居於是又有

錢燦出家梅里泰伯廟有道行善畫兼能書同治時有道士陳性
圭者字蓮君居觀前街三清殿右隅道房工花卉草蟲

女冠韻香

工書畫

女冠淨蓮無錫人俗姓王號韻香又號清微道人所居菴曰福慧
雙修書學靈飛經秀骨天成尤工畫蘭竹多小幅娟靜疏朗別具
風格其自題畫蘭有塵外天然見標格肯隨桃李嫁東風之句四
方名流咸以一見為幸後為輕薄子所侮雉經死聞者傷之

國朝書畫家筆錄卷四終

